

- 1^r Wer setzt syn lust vff zyttlich gůt
- 2^r Vnd dar jnn sůcht syn freūd vnd můt
- 3^r Der ist eyn narr jnn lib vnd blůt



Von gytikeyt.

- 1 Der ist eyn narr der samlet gůt
- 2 Vnd hat dar by keyn fryd noch můt
- 3 Vnd *weiß* nit wem er solches spart
- 4 So er zům fynstren keller fart

3 weiß] weißt *GW5046* weyß *GW5041*

5 Vil narrechter ist der verdūt
 6 Mit üppykeyt vnd lichtigem mü̃t
 7 Das so jm gott hat geben heyn
 8 Dar jnn er schaffner ist alleyn
 9 Vnd dar vmb rechnung geben mü̃ß
 10 Die me gilt dann eyn hand vnd fü̃ß
 11 Eyn narr verläßt syn fründen vil
 12 Syn sel er nit versorgen wil
 13 Vnd vörcht jm brest hie zyttlich gü̃t
 14 Nit sorgent / was das ewig dü̃t /
 15 O armer narr wie bist so blindt
 16 Du vörchst die rüd / vnd findst den grindt
 17 Mancher mit sünden gü̃t gewynt
 18 Dar vmb er jn der hellen brynt
 19 Syn erben achten das gar klein
 20 Sie hülfen jm nit mit eym stein
 21 Sie lößten jnn kum mit eym pfundt
 22 So er dieff ligt jn hellen grundt /
 23 Gib wil du lebst durch gottes ere
 24 Noch dym dot würt eyn ander here /
 25 Es hat keyn wiser nye begerdt
 26 Das er möcht rich syn hie vff erd
 27 Sunder das er lert kennen sich
 28 Wer wiß ist / der ist me dann rich /
 29 Crassus das golt zū̃ letzt vß trangk
 30 Noch dem jnn hat gedürstet langk /
 31 Crates syn gelt warff jn das mer
 32 Das es nit hyndert jnn zūr ler
 33 Wer samlet das zergenglich ist
 34 Der grabt sin sel jn kott vnd mist

32 zūr GW5041 GW5046] zū̃ GW5047